

ՎՐԱՅ (ՔԱՐԹՎԻԻ) ԵԿԵՂԵՑՈՒ ՆԱՐՅԸ ԴՎԻՆԻ Գ. ԺՈՂՈՎՈՒՄ

Եկեղեցիների բաժանումը կամ պառակտումը արձանագրվում է եկեղեցական ժողովներում եւ հաստատվում դրանց ընդունած որոշումներով: Սա է միակ ճանապարհը: Եթե ժողովի վավերացում չի կատարվում, ապա ցանկացած պահի հնարավոր է բաժանումն անջատողականություն համարել, իսկ հեռացողի դեմ որոշակի քայլեր ձեռնարկել, որպես աղանդավորի կամ հերձվածողի: Նայերի եւ քարթվելների եկեղեցական միասնության փրոհումը փնտի ունեցավ 608/9 թվականին: Ընդունված է, որ դա 607-ին սկսված Դվինի Գ. ժողովի վերջին արարն էր: Այնպեղ էլ հաստատվեց Նա-յասարանյայց եկեղեցու ենթակայությունից Քարթլիի եկեղեցու փաստացի դուրս գալը:

Սյորբե կաշխատենք պարզել մի քանի մանրամասն, որոնք մեզ թույլ կտան համապարասխան շեշտադրումներ կատարել: Մեկը թե՛ արդյոք ժողովին մասնակցե՞լ է Վրաց եկեղեցու որեւէ ներկայացուցիչ: Պարամությունը վկայում է, որ նման բան չի եղել, որովհետեւ նախաձեռնող Սմբատ իշխանը նրա հոգեւոր պետին պարզապես արգելել էր մասնակցել ժողովին: Ուխտանեսը գրում է. «Կիրիոնը չկանչուեց այդ հարսանիքին (ժողովին.- Ն.Դ.), քանզի խոսքն համարուեց երկակի կորստեան համար»¹: Այսինքն՝ վճիռը, պարծական որոշումը կար արդեն, իսկ շրջաբերականը, որը ժողովից հետո պիտի փրարածվեր, ընդամենը դրա պաշտոնականացումն էր լինելու: Մակայն նման կանխակալության պարճառն այն չէր, որ Կյուրիոնն իր եպիսկոպոսներով քաղկեդոնահավան էր դարձել: Նայոց աշխարհի մեծ մասն էր Քաղկեդոնի ժողովն ու Լեոնի փոմարը ընդունել, եւ հենց Նայասարանյայց եկեղեցու գիրքը նրանց վերադարձնելու համար էր Սմբատն անձամբ զբաղվում ժողովի կազմակերպման հարցերով, կանչում, գրուցում ու բանակցում յուրաքանչյուրի հետ, պայմանավորվում, ապա ամեն մեկից պահանջում գրավոր, անձնական ստորագրությամբ հաստատել սեփական հավատ ուղղությունը: Կյուրիոնն էլ կարող էր նրանց թվում լինել, բայց չկար: Կարող էր լինել, որովհետեւ նրա զբաղեցրած աթոռը ամենեւին հզոր ու արտոնյալ չէր ժողովին մասնակցող ոչ մի եպիսկոպոսի աթոռից:

Տեղի ունեցածն աննախադեպ էր թեկուզ այն պարճառով, որ նախկինում քարթվելական պարվիրակությունը միշտ մասնակցել էր հայոց եկեղեցական ժողովներին²: Կյուրիոնին արգելվեց ժողովի գալ, եւ նրա հարցը հերաճգվեց, որովհետեւ կարգապահական բնույթի էր: Լեոն, նկարի ունենալով Գիրք թղթոցը, գրում է. «Այդ ժողովը...

1 Ուխտանես, Նայոց պարամություն, Երևան, 2006, էջ 152:

2 Տե՛ս անդ, էջ 171. «Գիրք թղթոց», էջ 51:

մշակել և վավերացրել էր մի քանի կանոններ, ուղղված այն հոգեւորականների դեմ, որոնք գիտությամբ թե անգիտությամբ հարում են այս կամ այն աղանդին, մասնավորապես քաղկեդոնականության: Կանոններն օրենսդրում էին խիստ վարմունք այդպիսիների նկատմամբ, պարիժներ և հալածանք, նրանք հանձնարարում էին մանավանդ զգույշ լինել, որ այդպիսի հոգեւորականներ, նույնիսկ զոջալուց և նորից Նայոց Եկեղեցու գիրքը վերադառնալուց հետո պաշտոններ չստանան»³:

Ի դեպ, կանոնները ժողովը չէր ընդունել, այլ նախքան ժողովը կազմել էին Սմբատ Բագրատունի իշխանը, Վրթանես փղապահը և Սյունիքի եպիսկոպոս Զրիստափորը⁴: Բայց դա չէ կարելու, այլ որ՝ իսկապե՛ս այդ կանոնները կիրառվեցին Կյուրիոնի համար: Օրմանյանը գրում է. «Եւ իրօք ալ Վրթանեսի և Կիւրիոնի միջեւ փոխանակուած գիրերէն ետքը՝ հնար չէր Կիւրիոնը իբր ժողովական ընդունիլ: Ժողովի գումարուած եպիսկոպոսներէն կ'երեւի թէ կային ոմանք, որ 2-րդ կանոնին ներքեւ կ'իյնային, այսինքն է, որոնց դարձին ընդունելութիւնը և իրենց աթոռներուն վրայ վերահաստատուիլը Կաթողիկոսին վերապահուած էր»⁵: Մինչ այդ Օրմանյանն արդեն շեշտել էր, որ «Կաթողիկոսին վերապահուած կ'էրը, հարկաւ ընտրություններէն ետքը թողուած կը նկատուի»⁶: Ինչպես գիտենք, «Վրթանեսի և Կիւրիոնի միջեւ փոխանակուած գիրերը» ավարտվեցին նրանով, որ Կյուրիոնը անձնական վիրավորանք հասցրեց Վրթանեսին՝ չկամենալով նույնիսկ նրա ուղարկված վերջին նամակն ընթերցել, այնուհետև անհնազանդություն հանդես բերեց՝ սպառնալով ուղղափառության հարցում իրենց վեճի համար դարավոր դարձնել Երուսաղեմի հայրապետին⁷: Այս է, ուրեմն, բուն պատճառը: Նման կեցվածքն անտարակույս պիտի դարապարպվեր ամենայն խստությամբ, սակայն դա պիտի կատարեր նորընտիր Կաթողիկոսը: Ահա թե ինչու՝ Կյուրիոնը չկանչվեց ժողովին, հարցման չներարկվեց՝ Սմբատ իշխանի և Վրթանես փղապահի սահմանած ժողովական կանոնների համաձայն: Ի միջի այլոց, եթե Ուխտանեսը չի հորինում, ապա այդ մասին քաջ գիտեր նաև Կյուրիոնը: Կարողում ենք. «Իր մտքում [Կյուրիոնը] խորհում էր, թե՝ «Երբ Նայաստանում կաթողիկոս նստի, դարձեալ իմ արածների մասին խնդիր է լինելու», [մտածում էր], որպէսզի գուցէ կարողանայ ինչ-որ հնարքներով այլ ձեռով խօսել, քանի որ արդէն փակաւին երկու ոտքով կաղում էր [հաւարքում]»⁸:

Դար նաև հրավեր չուղարկելու երկրորդ պատճառը (գուցե ավելի կարեւոր): Ուխտանեսն ասում է, որ «յուրաց բաժնից եկածների մէջ կային հաւարից շեղուածներ (քաղկեդոնականներ.- Ն.Դ.), ուստի յետոյ եկան խոստովանութեան և գրաւոր կերպով Աբրահամի կողմից հաստատուեցին՝ ձեռնարկ փալով»⁹: Դրանց մասին կա նաև

3 Լեո, Երկերի ժողովածու, հ. 2, Երևան, 1967, էջ 229:

4 Տե՛ս Ս. Օրբելյան, նշվ. աշխ., էջ 125:

5 Մ. Օրմանյան, նշվ. աշխ., էջ 718:

6 Անդ, էջ 712:

7 Ուխտանես, նշվ. աշխ., էջ 141-142:

8 Անդ, էջ 121:

9 Անդ, էջ 152:

«Գիրք թղթոց» ժողովածուի մեջ. «Ոմանք յաղագս սնուրի փառասիրութեան եւ աշատութեան, եւ կէսք ակամայ բռնադատելալք, եւ այլք առ արգիւրութեան եւ կամ անձեռն-հաս լինելոյ»¹⁰: Ուխտանեսը չի թաքցնում, որ հույների բաժնից եկած եպիսկոպոսների «մասին մի փոքրիկ կասկած կար, թէ մի գուցէ Կիւրիոնի անունն ու յիշելու անարժան յիշարակը ժառանգած լինեն»¹¹: Փաստորեն իրավիճակն անկանխաբանելի էր: Կյուրիոնը համառ ու հաստատարական մարդ էր, հերեւաբար՝ եթե նա հանկարծ ցուցադրաբար իրավունքներ բանեցներ կամ դավանաբանական վեճ սարքեր, ապա որքանո՞վ կարելի էր վստահ լինել, որ իրենց ճիշդ կպահեն նորադարձ քաղկեդոնականները: Ահա թե ինչու Սմբատը հեռաբանորեն գործեց եւ Կյուրիոնին պարզապես հեռու պահեց ժողովից: Նույն այդ պարճառով նա ժողովից հեռու պահեց նաեւ Մովսես Յուրպավեցուն: Ուխտանեսը թերահավատությամբ է գրում. «Ասում են, [որ] նա [Մովսեսը] այն ժամանակ մերձիմաս հիվանդացել էր եւ այդ պարճառով ժողովի չկարողացաւ գալ, նաեւ ոչ իսկ գրատոր իմաց Կալ կարողացաւ իր ցաւի ու հալածանքների մասին Կիւրիոնի կողմից»¹²: Իրականում ոչ թե հիվանդությունն էր պարճառը, այլ որ՝ Մովսեսն այլևս թեմակալ չէր: Այնուամենայնիվ, Կյուրիոնը եղե՞լ է Դվինում (թեկուզ ժողովից հեռու), թե՞ ոչ: Ժողովն իր կազմով, այսինքն՝ բոլոր ժողովականները միասին ընկնե՞լ են արդյոք Կյուրիոնի ու Վրաց եկեղեցու հարցը: Ն. Մելիք-Թ-անգյանը գրում է. «609-610 թուին գոմարուց Դովինում ժողով մասնակցութեամբ հոգևորական եւ աշխարհական անձանց, եւ դրանց միջոցով ընտուց Վրաց կաթողիկոսի քաղկեդոնական լինելու խնդիրը, եւ ընդհանուր վճռով ընդունուցին Վրացիք քաղկեդոնականներ՝ հերետոդ իրանց կաթողիկոս Կիւրիոնին եւ բոլորովին բաժանուած համարուցին դաւանակից հայերից»¹³: Ա. Ղազարյանը գրում է. «Վրաց եկեղեցու նկատմամբ վերաբերմունքը ճշտելու նպատակով էլ գոմարվել է Դվինի Գ. ժողովը: Զննվել է Վրաց կաթողիկոսի քաղկեդոն. լինելու խնդիրը, եւ ընդհանուր վճռով բոլոր վրացիները համարվել են քաղկեդոնականներ՝ իրենց Կյուրիոն կաթողիկոսին հերետոդներ եւ դավանակից հայերից բաժանվածներ»¹⁴: Նաեւ կանալի է գրված, բայց որտեղի՞ց այդ տեղեկությունը: Նաջոթը՝ միեւնույն եղանակով: «Այս խնդիրը (եկեղեցիների փոխհարաբերությունները.- Ն.Դ.) Քաղկեդոնական Եկեղեցու կողմից արժարծվեց եւ հասկապես հրապարակ դարձավ հենց Դվինի 607 թ. ժողովի հրավիրման ժամանակ, երբ փառամոլ Կյուրիոնի դավանական պառակտիչ ձեռնարկումների հերեւանքով կասկածի տակ դրվեց Վրաց Եկեղեցու նկատմամբ Նա-յոց Եկեղեցու նվիրապետական առաջնությունը: Բնականաբար, նմանօրինակ հույժ կարետոր խնդիրը կարող էր լուծվել ժողովական մակարդակով: Ամենայն հավանականությամբ, հենց Դվինի այդ ժողովը, իբրեւ հոգևոր բարձրագույն կաճառ, իր հեղինակությամբ խնդրին դրական լուծում տվեց»,- գրում է Ա. Վարդանյանը¹⁵:

10 «Գիրք թղթոց», էջ 146:

11 Ուխտանես, նշվ. աշխ., էջ 154:

12 Անդ, էջ 161:

13 Ն. Մելիք-Թ-անգյան, Նայոց եկեղեցական իրավունքը, գիրք 1-2, Շուշի, 1903-1905, էջ 389:

14 «Քրիստոնյա Նայասարան» հանրագիտարան, Երևան, 2002, էջ 277:

15 Ա. Վարդանյան, Դվինի 607 թվականի ժողովի շուրջ, «Էջմիածին», 2000, Գ., էջ 74:

Ներաբերքական են մարենագիրների հաղորդած փեղեկությունները: Նախապես ափսոսանքով նշենք, որ վրաց մարենագրության մեջ որևէ հիշարակություն չկա Դվինի Գ. ժողովի վերաբերյալ, հետևաբար պետք է ներկայացնենք միայն մեր աղբյուրները ժամանակագրորեն: Իրադարձություններին ժամանակակից մարենագիրը Սերեոսն է (Է. դար), որը, սակայն, ամենասակավախոսն է: Նրանից ընդամենը փեղեկանում ենք, որ «երանելի Մովսես կաթողիկոսը վախճանվել էր, եւ... հայրապետության աթոռին նստեցրին Ռշտունյաց եպիսկոպոսին՝ Աբրահամին»¹⁶: Ինչպես րեսնում ենք, նա ո՛չ ժողովի, ո՛չ Կյուրիոնի մասին ոչ մի հիշարակություն չունի:

Նաջորդ հեղինակը Մովսես Կաղանկարվացին է (նրան վերագրվող «Աղվանից աշխարհի պարմությունը» ձեռագրվել է Է.-Ժ. դարերում): Սա եւս ոչինչ չի գրում մեզ հուզող հարցի վերաբերյալ, բայց արդեն փալիս է Կյուրիոնի անունը¹⁷: Նովհաննես Դրասխանակերպցին (Ժ դար) առաջինն է, որ ժողովին հափուկ դեր է հատկացնում: «Այնուհետև,- գրում է նա,- Աբրահամ մեծ հայրապետը քաջ Սմբատի եւ այլ նախարարների հրամանով Դվին քաղաքում բազմաթիվ եպիսկոպոսների ժողով արեց աստվածային անբիծ նախախնամությամբ ուշադրությամբ քննելով Աստվածաշունչը, եւ նրանք, ճշմարիտ իմացությամբ ծանոթանալով սուրբ հայրերի դավանությանը՝ նզովեցին Կյուրիոնին՝ Քրիստոսի եկեղեցու պառակրիչին, եւ անօրեն հերերիկոսության բոլոր հնազանդյալներին ու համախոհներին»¹⁸: Դրասխանակերպցին արդեն սկզբնաղբյուր է դառնում Վարդան Արեւելցու համար (ԺԳ. դար): Նա պարմում է, թե ինչպես փեր Աբրահամը «ձգարում է Կյուրիոնին դարձնել դեպի ուղղափառություն: Այդ պարճառով Դվինում ժողով են անում եւ անիծում Կյուրիոն հերերիկոսին»¹⁹: Նույն դարի մեր մեկ այլ նշանավոր հեղինակ Սյրեփանոս Օրբելյանը, հայոց եկեղեցական ժողովները թվարկելիս արձանագրում է. «Դվինում կրկնված մյուս ժողովը՝ Աբրահամ կաթողիկոսի ղեկավարությամբ, որը վերաբերում էր Վրաստանի պիղծ կաթողիկոս Կյուրիոնի բաժանվելուն ու Աղվանքի զարվելուն»²⁰: Բայց ահա Կիրակոս Գանձակեցին (նորից ԺԳ. դար) չի շարունակում Վրաց եկեղեցու հարցի լուծումը վերագրել ժողովին: Ըստ նրա, Կյուրիոնը սկզբում արդարանում էր, թե Մովսես եպիսկոպոսն իրեն զրպարարում է, «իսկ երբ ասվեց, թե քննության ժողով պետք է լինի, որ այդ մասին իմանան, Կյուրիոնը բացարձակ ընդունեց Քաղկեդոնի դավանությունը: Երբ Աբրահամը րեսավ, թե ոչ մի օգուտ չեղավ, այլ ավելի անամոթացավ, այդ ժամանակ շրջաբերական թուղթ գրեց իր վիճակներին, որպեսզի վրացիների հետ բոլորովին չհաղորդակցվեն»²¹: Պարմիչն այնուհետև շարունակում է. «Այս ամենը ճշտությամբ քեզ կտվորեցնի Ուխտանես եպիսկոպոսը, որովհետեւ նա բոլորը կարարելապես նկարագրել է՝ թղթերն ու

16 Սերեոս, Պարմություն, Երևան, 2005, էջ 121:

17 Մովսես Կաղանկարվացի, Պարմություն Աղվանից աշխարհի, Երևան, 1969, էջ 209-213:

18 Նովհաննես Դրասխանակերպցի, նշվ. աշխ., էջ 75:

19 Վարդան Արեւելցի, Տիեզերական պարմություն, Երևան, 2001, էջ 96:

20 Սյրեփանոս Օրբելյան, նշվ. աշխ., էջ 357:

21 Կիրակոս Գանձակեցի, Նայոց պարմություն, Երևան, 1982, էջ 47:

պարասխանները»²²: Ներենեմ, ուրեմն, խորհրդին: Իսկ նա գրում է, որ Աբրահամը, արդեն ընտրյալ կաթողիկոս, այսինքն՝ 607 թ. ժողովի ավարտից հետո, նամակով հորդորում է Յուրպավի եպիսկոպոս Մովսեսին, թե «մի՛ յապաղիր սուրբ Զարինն այսպեղ (Դվին.- Ն.Դ.) գալու, որպեսզի շարերին ուրախություն լինի: Նաև Կիրիոնի ու վրացիների հոգևոր գործն է առջևում»²³:

Ներեապես, եթե Կյուրիոնի ու վրացիների հոգևոր գործը ժողովից հետո դեռ առջևում էր, ուրեմն հասարաք է, որ ժողովում Վրաց (Քարթլիի) եկեղեցու հարցը չի քննարկվել, ինչպես նաև Կյուրիոնը սույն ժողովին չի մասնակցել: Ընդ որում՝ Կյուրիոնն Աբրահամին ուղարկած իր առաջին պարասխան նամակում հենց այդ մասին է ասում՝ գրելով. «Ձեր գրած նամակին վերահասու եղայ եւ երանելի սուրբ Գրիգորի աթոռը ժառանգելուն [ձեր]՝ իմ փրոջ արժանի լինելու առիթով եւ ձեր ողջութեան համար մեծապէս ուրախացայ եւ Աստուծոց գոհ եղայ: ...Ես էի պարտաւոր գալ, աղօթել ձեր սուրբ եկեղեցիներում եւ ձեր կողմից օրհնուել, կամ իմ աշակերտներին ուղարկել, որ ձեր սրբութեան ողջոյնը մեզ բերէին: Բայց չար ժամանակի եւ երկրիս կարիքների պարճառով խափանեցինք [դա]»²⁴:

Կարծում ենք՝ ուրիշ ապացույց փնտրելու կարիք չկա պնդելու համար, որ Կյուրիոնը Դվինում չի եղել նաև ժողովից հետո: Այսպիսով, համոզված կարող ենք ասել, որ Դվինի Գ. ժողովը Կյուրիոնի հարցը չի քննել, նրա հարցը չի քննել նաև եպիսկոպոսների արյանը ժողովից առաջ: Վերջինս չի քննել, բանգի ոչ միայն այլեայլ նկատառումներով որոշվում է գործը հանձնել ապագա կաթողիկոսի դարին, այլ որովհետև իրավասու չէր պարզապես: Արյանը քննում էր թեմակալ եպիսկոպոսների հարցը, իսկ Կյուրիոնը կաթողիկոս էր, եպիսկոպոսապետ: Նշանակում է՝ պետք է քննել, թե որքանով էր նա ենթակա Նայոց կաթողիկոսին: Սակայն դա պարզելու համար հարկ է պարասխանել մեկ ուրիշ հարցի. Նայոց եւ Վրաց եկեղեցիներն իսկապէ՞ս մեկ էին, ամբողջական եւ ընդհանուր էր հոգևոր կառույցը:

Բնավ հին վեճը նորացնելու ցանկություն չունենք, ոչ էլ նորանոր փաստեր բացահայտելու ակնկալություն: Ցանկացած բարեխիղճ ուսումնասիրող կարող է փաստյալ էջեր լրացնել պարմական այնպիսի վկայություններով, որոնք կհավաստեն մինչև է. դարը Մեծ Նայքում եւ Քարթլիում գործող եկեղեցիների միասնական լինելու, պարբիարքական նույն աթոռին նրանց միասնաբար ենթարկվելու հանգամանքը: Միայն մեկ ապացույց բերենք: Պարմում է Ուխարանես եպիսկոպոսը. «Այդ ժամանակներում վախճանուեց Վրաց կաթողիկոսը, եւ երկրի իշխաններն ու նախարարները Մովսես կաթողիկոսի մօտ մարդիկ ուղարկեցին՝ եպիսկոպոսներով հանդերձ՝ խնդրելու իրենց համար առաջնորդ: Իսկ նա մտածեց, որ իր փանից փայ նրանց առաջնորդ... [ուսրի]

²² Անդ, էջ 154:

²³ **Ուխարանես**, նշվ. աշխ., էջ 160: «Գիրք թղթոց»-ում (էջ 162) նամակը փոքր-ինչ այլ վերջավորություն ունի. «Մի՛ դանդաղիցիս ի սուրբ Զարինն գալ այսր, զի բազմաց լինի խնդութիւն եւ գործք հոգևորք առաջիկա՝ մինչդեռ Տէր Սմբատ աստուծն է, փութամբ որով եւ է արինակաւ նախ զայդ ի գլուխ փանել՝ շնորհիւն Քրիստոսի Աստուծոյ մերոյ»:

²⁴ Անդ, էջ 164: ԳԹ, 166-167:

ձեռնադրեց 'Կյուրիոնին'»²⁵: Պապահական չէ, որ հեղափոխություն Մովսես կաթողիկոսին ուղղված իր առաջին պապասխան նամակը 'Կյուրիոնին' այսպես է ավարտում. «Մենք ամեն ինչով հնազանդ ենք ձեզ և ձեր հրամաններին»²⁶: Այսպիսով, անառարկելի է, որ մինչև է. դարը հայերի և քաթթվելների եկեղեցին նույնն էր:

Իսկ ի՞նչ անենք Վախթանգ Գորգասալի կողմից Վրաց եկեղեցին անկախացնելու մասին արարածված պարմությունը: Ոչինչ: Կարելի է ընդունել, որ փաստը համապատասխանում է իրականությանը, միայն դրա մեկնաբանությունն է սխալ: Վրաց եկեղեցու պարմության վրացի հեղափոխողների (Մ. Սաբինին, Ի. Ջավախիշվիլի և այլք) համար այդ դրությունը կարարյալ ինքնավարություն էր և բացարձակ անկախություն: Իրականում դա ընդամենը ավտոմատ, ոչ թե ավտոկեֆալ եկեղեցու կարգավիճակ էր: Այդ եկեղեցու պետքը, որ իսկապես կաթողիկոս պարվանունն էր կրում, երկրամասի թեմերի եպիսկոպոսների գլուխն էր և նրանց վրա բավականին մեծ իրավունքներ ուներ (ընդհուպ մինչև նշանակելու և ազատելու), բայց ինքը, այնուամենայնիվ, ենթակա էր և նշանակվում էր Նայոց կաթողիկոսի կողմից: Դրասխանակերպցին ամենևին Վրաց եկեղեցին ցածրացնելու համար չէր գրում, թե «Մովսեսը սուրբ կաթողիկեի վաներեց 'Կյուրիոնին' իր նախորդների օրինակով ձեռնադրում է վրաց նահանգի, գուգարացիների և եգերացիների արքեպիսկոպոսության համար»²⁷: Նայոց կաթողիկոսների կողմից քաթթվելների կամ աղվանների համար հոգեւոր պետ նշանակելը բացառիկ կամ մասնավոր երևույթ չէր: Դրանից առաջ տեսնում ենք, որ Դավիթ Բ. ժողովին (554 թ.) ներկա է Ներսես Բ. կաթողիկոսի կողմից ձեռնադրված Աբդիշո եպիսկոպոսը, որը գլխավորում էր ասորի միաբնակների պարվիրակությունը²⁸: Այսինքն՝ հարկապես հիշյալ դարերում եպիսկոպոսապետ-կաթողիկոս լինել՝ բոլորովին չէր նշանակում անկախ եկեղեցու պետ լինել:

Չիմա, ըստ այդմ, 'Կյուրիոնի' ներկա գրություն իր անմիջական ղեկավար մարմնի ընդհանուր ժողովին պարտադիր էր, թե՛ ցանկալի, նրա մասնակցությունը պարի լինելը վճռակա՞ն, թե՛ խորհրդակցական ձայնով, իբրեւ թեմակալ առաջնորդ, թե՛ իբրեւ հրավիրյալ: Ինչպես տեսանք, ժողովի կազմակերպիչները մասնակցության հրավեր չուղարկեցին 'Կյուրիոնին'՝ ժողովն իր օրակարգում նրան վերաբերող հարց նույնիսկ չունեւ: Մեզ հայրանի վճիռը կայացնողը նորընտիր կաթողիկոս Աբրահամն էր՝ ինքնակամ թե եպիսկոպոսական արյանի հետ, այլ հարց է, բայց փաստ է, որ ժողովից հետո: Կրկին նույն հարցը. ի՞նչ իրավունքով: Այնուամենայնիվ, ո՞ր արյանն էր իրավասու, ո՞վ էր նրա քննեց 'Կյուրիոնի' գործը, հետևաբար և՛ Վրաց (Քարթլի) եկեղեցու հարցը: Մահեն նման նախադեպերի կապակցությամբ տեսակետ է հայտնում, թե «գործող կաթողիկոսը ժողովի կողմից կարող է դարապարտվել միայն այն ժամանակ, երբ հրաժարվում է ներկայանալ»²⁹: Խոսքը, իհարկե, միեւնույն հոգեւոր հոսքի և նրա

25 Ուխտանէս, նշվ. աշխ., էջ 109:

26 Անդ, էջ 116:

27 Նովիանեն Դրասխանակերպցի, նշվ. աշխ., էջ 69:

28 Նայ ժողովրդի պարմություն, Խ. II, Երևան, 1984, էջ 252:

29 Անդ, էջ 57:

հովվապետի միջև ծագած հարցերին լուծում պալու եղանակներից մեկի մասին է, որը րովյալ դեպքում անսրեղի է ճշրիվ նույնացնել Կյուրիոնի վիճակին: Եվ եթե փորձենք այս ընդհանուր բնույթի դիպողության օգնությամբ լուսաբանել նրա անվամբ նշանավորված դեպքերի վերջին դրվագները, առավել եւս՝ այդկերպ հակադրվել հայ պարմագրության մեջ վերջինիս կերպարի գոյություն ունեցող կարծրաքիսը պահպանելու միպումին, ապա վարահաբար ոչնչով օգնած չենք լինի ժամանակաշրջանի իրական պարկերը բացահայտելուն: Բայցեւայնպես, Մահեի դիպողությունը կարեւոր է եւ հուշում է, թե ինչի վրա է անհրաժեշտ ուշադրություն դարձնել:

Մինչ այժմ դիպարկում էինք Նայ եւ Վրաց եկեղեցիների հիերարխիկ կապը: Պարկերը պարզ է. նրանք միեւնույն կառույցի բաղկացուցիչ մասերն էին եւ ունեին ուղղահայաց հարաբերություններ, ընդ որում՝ ավագը Նայոց եկեղեցին էր: Սակայն վերջին ժամանակներս գիպական շրջանառության մեջ են դրվել ձեւակերպումներ, որոնց հետ, մեղմ ասած, դժվար է համաձայնել: Խոսքը «Առաջինը հավասարների մեջ» սկզբունքի մասին է:

Իմիջիայոց, այս չարքրկող րեսությունն այնքան էլ նոր չէ. շուրջ 100 րարի առաջ, երբ դեռ մեծն Մաթը կեւղանի էր եւ իր ուսումնասիրություններում ու դասախոսություններում րարբեր առիթներով անդադրում կրկնում էր, թե «մենք ունենք հերքը առաջին հայ-վրացական եկեղեցու»³⁰, որը հայոց ավագությամբ էր՝ Ջավախիշվիլին րեսակեր է հրապարակ հանում, թե՝ Զ. դարի վերջին, այսինքն՝ նախքան այսպես կոչված բաժանումը, երկու կաթողիկոսները հավասար կարգավիճակ ունեին³¹: Վրաց պարմարանի նպարակը հասկանալի էր. նա կամենում էր անհերթեք դարձնել Արրահամի շրջաբերականը եւ ցույց րալ հայոց եկեղեցապետերի սխալականությունը: Բայց անձնական ցանկությունը գիպական հիմնավորում չէ: Յանկացած անաչառ պարմարան գիպե, որ Անդրկովկասում քրիստոնեության առաջին երեք դարերի պարմությունը հարաբերությունների ուրիշ պարկեր ունի: Յավոք, ոմանց կողմից համառորեն շարունակվում են անցյալը սրբագրելու եւ ներկային հարմարեցնելու ջանքերը: Ըստ այդմ՝ ոմանք վրացիների հերագա դարերի պարմական հաջողությունների փայլը փորձում են րարածել նաեւ Է. դարի վրա, կոկել ու սնգորել Բարթիլի եկեղեցու րովյալ պահի կարգավիճակը: Այնինչ, կրկնենք, աներկրա ճշմարությունն այն է, որ Է. դարում Վրաց եւ Աղվանից եկեղեցիները դեռեւս ուղղակիորեն ենթարկվում էին Նայասրանյայց եկեղեցուն: Անկասկած, նրանք չեն իրադարձությունների ժամանակակիցը, այլ Զ. դարի ասորի մարենագիր Զարարիա Ներպորը, որն ընդգծում է Նայոց եկեղեցու գերագահությունը Վրաց եւ Աղվանից եկեղեցիների նկարմամբ³²: Ահա, ուրեմն, Նայոց կաթողիկոս Արրահամը ամենայն իրավունքով կարող

30 Ն. Մաթ, Մկրտություն Նայոց, Վրաց, Արխագաց եւ Ալանաց ի սրբոյն Գրիգորէ, Վաղարշապատ, 1911, էջ 91:

31 И. Джавахов, История церковного разрыва между Грузией и Арменией в начале VII века, СПб, 1908, с. 447.

32 Տէն «Օրար աղբյուրները Նայասրանի եւ հայերի մասին», հ. 8, Զարարիա Ներպոր, Ժամանակագրություն, Երևան, 1976, էջ 313:

Էր պարփոժ սահմանել իրեն ենթակա Վրաց կաթողիկոս Կյուրիոնի համար: Թեկուզ ավանդության ուժով:

Բայց դեպքերի ընթացքը ցույց է տալիս, որ Աբրահամը չի շտապում պարժել Կյուրիոնին: Նապաղում է: Ինչո՞ւ: Այդ դեպքում՝ ո՞րն է պարմության կուլմինացիան եւ ո՞րը՝ հանգուցալուծումը: Արարարուսը գազաթնակեր է երևում ժողովից հեկո դեռես շարունակվող նամակագրության կոպիտ դադարեցումը Կյուրիոնի կողմից, իսկ լուծումը՝ Աբրահամի շրջաբերականը: Իսկապես այդպես է երկու կաթողիկոսների կարարած այդ աննախադեպ բայերը հեկոգայում համարվում են փոխադարձ հրաժարումը խորհրդանշող գործողություններ: Բնականաբար, պիտի անդրադառնանք դրանց, մինչ այդ, սակայն, ուշադրություն դարձնենք հեկոնյալի վրա: Մյուստերային բավականին կարեւոր երկու զարգացում կա, որոնցից մեկը կարող ենք կուլմինացիան նախապարարատրող պարճառ համարել, իսկ մյուսը՝ կուլմինացիայի հեկոնյանը, որը նախորդում է հանգուցալուծմանը՝ պարմության ավարտին: Առաջինը Կյուրիոն եւ Մովսես Յուրպավեցի հակամարտությունն է, երկրորդը՝ Կյուրիոնի խռովելը Նայասրանյայց եկեղեցու նոր հիերարխիայում իր աթոռը Աղվանից կաթողիկոսի աթոռից բարձր չդասելու պարճառով (չնայած հայ մարեմագիրները հենց սա են համարում գլխավոր առիթներից մեկը): Ցանկացած ուսումնասիրություն թերի կլինի, եթե անտեսվի այս երկու հարցը:

Այսպիսով՝ Կյուրիոն եւ Մովսես Յուրպավեցի հակամարտություն: Կյուրիոնը մեզ արդեն բավականաչափ ծանոթ է, հերևաբար ներկայացնենք Մովսես Յուրպավեցուն, քանի որ նա է նոր գործող անձը: Այս Մովսեսը Գուգարքի բղնշխանիստ Յուրպավ գյուղաբաղաքի եպիսկոպոսն էր եւ իր պաշտոնն սպանձնելու պահին ընդամենը երեսուն տարեկան էր³³: Լեոն գրում է, որ Մովսեսը «Ամենայն Նայոց կաթողիկոսի ներկայացուցիչ էր սահմանագլխի այս շար կարեւոր կերպում»³⁴, անշուշտ, ելնելով Ուխտանեսի հեկոնյալ քողերից. «Ինքը (Մովսեսը.- Ն.Դ.) միջնորդ ու սիրոյ շողկապ էր երկու կողմերի՝ հայերի ու վրացիների միջեւ: [...] Եւ [նա] դարձաւ երկու ազգերի՝ հայերի ու վրացիների միջեւ հաւարի հասարարութեան միջնորդ մինչեւ Կիւրիոնի դաւանափոխութեան ժամանակները»³⁵: Սակայն տեսնում ենք, որ այդ «միջնորդությունը» շարարագ վերածվում է Մովսես-Կյուրիոն անձնական թշնամանքի, ապաւն՝ միջեկեղեցական լուրջ ընդհարման: Նա էր, որ բացահայտել էր ճշմարիտ հավարից Կյուրիոնի խորտրվելը եւ ժամանակին ահագանգել Մովսես կաթողիկոսին, հեկոգայում նույնի մասին չգլանալով հայտնել նաեւ Աբրահամ կաթողիկոսին³⁶:

Նամակից նամակ երեսում է, թե ինչպես է լարվածությունը մեծանում, եւ ամեն ինչում ու ամեն տեղ երեսում է Մովսես եպիսկոպոսը: Գալիս է մի պահ, երբ երկու եկեղեցիների բախման կենտրոնում հառնում է միայն նրա կերպարանքը: Նա դառնում է պայ-

33 Ուխտանես, նշվ. աշխ., էջ 111:

34 Լեո, նշվ. աշխ., էջ 230:

35 Ուխտանես, նշվ. աշխ., էջ 119, 133:

36 Անդ, էջ 110, 161:

քարի մարմնացում, ամեն ինչ պարզվում է նրա անվան շուրջը: Ուխտանեսը պարմում է, թե ինչպես «երանելի եպիսկոպոսը բարեյաջող վարեց մարտը՝ բազմաթիւ խօսքերով յանդիմանելով նրան (Կիրիլոնին.- Ն.Դ.), բայց ոչ մի օգուտ չարեց... Կիրիլոնին մէկ անգամ, երկիցս եւ երկիցս յանդիմանեց առանձին եւ վկաների ներկայութեամբ եւ եկեղեցու մէջ՝ ըստ անսրարանական խօսքի»³⁷: Ապա նրան փոխարինում ենք հենց այդ պարճառով Կյուրիլոնից հալածված՝ պաշտօնական արված ու փախուստի մեջ գտնվելիս, բայց կրկին աղեկուն մարտաշունչ ոգով: Նա Կյուրիլոնի գործերի քննիչն է³⁸, այնուհետեւ բառացիորեն ցուցումներ է տալիս Վրթանես Կեղապահին, Սմբատ իշխանին, Աբրահամ կաթողիկոսին, թե ինչ քայլեր պետք է ձեռնարկեն վերջինիս դեմ, հետո «շրջաբերական նամակ է գրում Յուրբաւ քաղաքի եւ նրա նահանգի իր թեմականներին, որ զգուշանան Քաղկեդոնի աղանդից ու նրանց նմաններից»³⁹, բացառում ու միեւնոյն ժամանակ արդարանում է, թե ինչու է հալածական դարձել եւ այլն:

Անշուշտ չափազանցում կլինի, եթե առիթը Մովսեսին համարենք, որ հայերը «Կյուրիլոնին հեռացրին իրենցից եւ նրա բաժինը կեղծատրոսների շարքում դրեցին»⁴⁰, սակայն կսխալվենք նաեւ, եթե անտեսենք փաստը, որ Վրթանես Կեղապահը Կյուրիլոնին հորդորում է ու սպառնում, թե «պարճառ եղիր, որպէսզի սուրբ կորչի, իսկ ճշմարտութիւնը հաստատուի, եւ եպիսկոպոսն (Մովսեսը.- Ն.Դ.) իր փողով վերադառնայ: Քանզի եթէ այդ այդպէս չլինի, յաւիտեանական թշնամի կը մնանք քո երկրի նկատմամբ»⁴¹, կամ Աբրահամ կաթողիկոսը շրջաբերականով Կյուրիլոնին նգովելիս չի մոռնում շեշտել, թե ինչպէս սա «Յուրբաւի եկեղեցու եպիսկոպոսին... ուղղափառ հաւատքի պարճառով հալածական արեց»⁴²: Ինչպէս փոխարինում ենք, Մովսեսը, իրոք, երկրորդական դեմք չէ, բայց եւ դժվար է ասել, թե գլխավոր գործող անձերից է:

Մեր պարզավորությունն է անդրադառնալ նաեւ սյուժեի երկրորդ գծին, որը, ինչպէս նշել ենք, կարող ենք համարել ԴՎԻՆԻ ժողովի ընդունած եկեղեցական աստիճանների նոր դասակարգությունը: Նամենայն դեպս, Ուխտանեսը դա է ընդունում վրաց բաժանման երկրորդ պարճառ: Նա իր խոսքը հավաստի դարձնելու համար օգտվում է «այլ պարմագիծների շարադրանքից»⁴³, փվյալ դեպքում՝ Մովսես Կաղանկարվացու երկից: Իսկ Կաղանկարվացին գրում է. «Ինչ դասակարգության պարճառով եկեղեցական գլխավորները թմահաճ կերպով ըստ իրենց գոտի ընկալության Աբրահամին պարբերաբար են կարգում հայերին, Աղվանքի համար արքեպիսկոպոս են դնում, իսկ վրացիների համար՝ մեթոքապոլիս: Վրաց մեթոքապոլիսը, որի անունն էր Կյուրիլոն, չենթարկվեց եւ վճռեց հակառակվել, իսկ Աբրահամ հայրապետը ասում էր, որ Աղվանքը վրացիներից ավելի առաջ է հավատարմացրել դարձել, նրանց հասնում է եպիսկոպոսապե-

37 Անդ, էջ 121, 135:

38 Անդ, էջ 169:

39 Անդ, էջ 126:

40 Անդ, էջ 198:

41 Անդ, էջ 140:

42 Անդ, էջ 209: ԳԹ, էջ 194:

43 Ուխտանես, նշվ. աշխ., էջ 195:

ություն: Այս վիճաբանությունից ելնելով վրացիները դիմեցին ուղղափառ հավաքին և դարձան քաղկեդոնականներ»⁴⁴: Քանի որ մեզ համար նույնպես անվիճելի է «Գիրք թղթոցում» ժողովված նյութերի հավաստիությունը, ապա, եթե հիշենք այն նամակը, որ Կյուրիոնը գրել է ի պատասխան Աբրահամին՝ «խառնարի երկրպագություն և սիրով ողջոյն» հղելով ու ներողամտություն հայցելով, որ չի կարողացել գալ և անձամբ շնորհավորել նրան «երանելի սուրբ Գրիգորի աթոռը ժառանգելու»⁴⁵ առիթով՝ չենք ասի, թե նա ժողովից հեկո խռոված էր ու թշնամացած: Այն էլ՝ նախաթոռության հարցով, այն էլ՝ ոչ թե Նայոց աթոռի գերագահությունը, այլ նույն նվիրապետական կառույցում Վրաց և Աղվանից աթոռների առաջնությունը վիճարկելով:

Շինծու, արքեստական բաներ կան այս հորինվածքում: Նախ, որ Դվինի ժողովի հիրավի պատմական որոշումը դրանով պարզունակացվում, իջեցվում է կենցաղային մակարդակի, և այդ ֆոնի վրա Կյուրիոնին վիրավորվածի դեր է հասկացվում: Այնուհետև՝ իրական շարժառիթների փոխարեն կեղծ գրույցներ են բերվում, որոնց հիման վրա մինչև հիմա բոլորովին սխալ մեկնաբանություններ են կատարվում, պատմականությունից զուրկ եզրակացություններ արվում: Այս առումով հարկ է կարևոր մի ուղղում կատարել. Կյուրիոնը ոչ թե ընդունել է Դվինի Գ. ժողովի որոշումները Նայաստանյայց կաթողիկոսությունը VI Տիեզերական աթոռ հռչակելու և նվիրապետական ինը դասեր հաստատելու վերաբերյալ, բայց չի համաձայնել իրեն մեկրոպոլիս, իսկ Աղվանից կաթողիկոսին արքեպիսկոպոս կարգելու հարցում՝ նեղացել ու բաժանել է Վրաց եկեղեցին, այլ՝ սկզբնապես և սկզբունքորեն չի ճանաչել հիշյալ որոշումներն ու հենց այդ պարճառով է մերժել Դվինի գերագահությունը: Այս դիպողությունը ես գալիս է հաստատելու, որ հիմնովին սխալ է պնդելը, թե՛ ժողովը պարճական որոշում է կայացրել Կյուրիոնի ու Վրաց եկեղեցու վերաբերյալ:

Այդ պնդումը նոր չէ: Եպիսկոպոսական ժողովի կողմից շրջաբերական նամակ գրելու որոշում ընդունելու մասին գրույցը շուրջ հազար փաթեկ վաղեմություն ունի, ինչն էլ թերևս դրա հավաստիությունը պայմանավորող հանգամանքներից մեկն է: Բանն այն է, որ Նովիանենս Դրասխանակերպցին և Սյունիանոս Օրբելյանը՝ նման հարվածներ ունեն⁴⁶:

Իսկ ինչո՞ւ են Դրասխանակերպցին և հաջորդող պատմագիրները Կյուրիոնի մասին որոշումը վերագրում ժողովին: Դրանով նրանք շրջաբերականը հատուկ կարևորում են, թե՛ այլ նպատակ են հետապնդում: Ամենայն հավանականությամբ, հեղինակային այս հավելումները ծնվել են զուր ևս համար, որպեսզի փրամաբանական որևէ բացատրություն տրվի կատարվածին: Նամենայն դեպս, սկզբնաղբյուր հանդիսացող «Գիրք թղթոց»-ում, ինչպես նաև Ուխարանեսի երկում ոչ մի հիշատակություն չկա այդ առիթով Դվինում գումարված ժողովի մասին: Շրջաբերականը դարավճիռ է, բայց ոչ դատական ընթացքի ավարտ: Դատավճիռ՝ առանց դատական քննության: Իսկ քանի

44 Մովսես Կաղանկավազի, նշվ. աշխ., էջ 213:

45 Ուխարանես, նշվ. աշխ., էջ 164: ԳԹ, էջ 166:

46 Տե՛ս Նովիանենս Դրասխանակերպցի, նշվ. աշխ., էջ 75: Սյունիանոս Օրբելյան, նշվ. աշխ., էջ 357:

որ առ այսօր հարց է մնում, թե ով է բաժանումի վերջին ու վճռական քայլը կատարել, ապա պարմաբանները փորձում են համոզել, որ «նմանօրինակ հույժ կարևորը խնդիրը կարող էր լուծվել ժողովական մակարդակով»⁴⁷ միայն, իսկ Վրաց Եկեղեցու պարմությամբ զբաղվողները վստահեցնում են, որ քաղկեդոնական հավաքի վրա Կյուրիոն կաթողիկոսի հաստատարված մնալու պարճառով երկու հոգևոր պետերի միջև ընթացող նամակագրության դադարեցումը բավական էր, որպեսզի խզվեր միջեկեղեցական առանց այդ էլ գույր ձեռական կապը⁴⁸։ Մյուսը երկուսն էլ թանձրացումներ են, որովհետև, ինչպես քեսանք, ոչ ժողովն է խնդրո վերաբերյալ վճիռ կայացրել, ոչ էլ՝ նամակագրության ընդհատումն էր մի երեւելի պարճառ, որպեսզի միասնական եկեղեցին երկու մասի բաժանվեր։

Ըստ էության, այս շրջաբերական նամակը սոսկ արեղեկարվական եւ նախագուշական բնույթ ունի, եւ նրան այլ գործառնություններ վերագրելը ճիշդ չէ։ Նամոզվելու համար Ուխտանեսի երկից⁴⁹ դրա ամենահիմնական հարվածները բառացի մեջբերենք։ Մինչ այդ, սակայն, առաջին բաժինը ներկայացնենք Օրմանյանի օգնությամբ, ըստ որի՝ շրջաբերականը «նախ կը յայտնէ հաւաքոյ ուղղութեան պաշտպանելու պարտաւորութիւնը, կը յիշէ երեք ժողովները, յառաջ կը բերէ ուղղափառ հանգանակը, կը բացատրէ Քաղկեդոնի ժողովին անարդի որոշումը, որ մինչեւ Վրաց եւ Աղուանից կողմերը քարաձուեցաւ, կը պարմէ Կիւրիոնի ընթացքը»⁵⁰։ Այժմ քննենք, թե Աբրահամ Կաթողիկոսն ինչ է ասում վրացիների համար։ «Նախկինում,- հայտնում է նա,- հոռոմների վրայ մեր վարդապետների դրած բանադրանքը, որը կը մնայ մինչեւ վերջ, եթէ չդառնան ճշմարիտ [հաւաքին], մենք նոյնը վրացիների վրայ հրամայեցինք [դնել, եւ ըստ այնմ]՝ ամենեւին չհաղորդակցուել նրանց հետ ո՛չ աղօթքով, ո՛չ կերակուրներով, ո՛չ ըմպելիքներով, ո՛չ բարեկամութեամբ, ո՛չ դայեակութեամբ, չգնալ Խաչը (Մցիսթի Ս. Խաչ.- Ն.Դ.) աղօթելու, եւ ո՛չ էլ նրանց մեր եկեղեցիներում ընդունել, նաեւ ամուսնանալուց ամենեւին հեռու մնալ, այլ միայն որեւէ բան գնել կամ գնով [քրալ, ինչպէս հրէաներին]»⁵¹։

Այսբան է վրացիների մասին։ Մեծ աղմուկը սրա համար է։ Բայց ի՞նչ է պարահել՝ վրացիների հասցեին չոր խոսք է ասվել։ Ինչո՞ւ է մոռացվում, որ վաղուց միջեկեղեցական քարոզչական (համարենք այդպես) պայքար էր ընթանում, եւ քարթվելներն իրենց մասնակցությամբ առանձին ճակար էին բացել, հետեւաբար նրանք պիտի ընդունեին պայքարի բոլոր կանոնները (պարզապես դրանք կոչվում էին եկեղեցական կանոններ)։ Այդ կանոնների համաձայն հակառակորդը պետք է նախ մեղադրվեր ու դատապարտվեր։ Բարսեղ Մեծին վերագրվող կանոնները ներառված են Նայոց Կանոնագրքում։ Նրա առաջին կանոնը հետևյալն է. «Ներքը հերետիկոս համարում էին

47 Վ. Վարդանյան, Դվինի 607 թվականի ժողովի շուրջ, էջ 74։

48 И. Джавахов, նշվ. աշխ., էջ 536։

49 Կաղանկարվացու բերած շրջաբերականի շարադրանքը փոքր-ինչ քարքեր է։ Տե՛ս Մովսես Կաղանկարվացի, նշվ. աշխ., էջ 210։

50 Մ. Օրմանյան, Ազգապալում, հ. Ա., էջ 743։

51 Ուխտանես, էջ 209։ ԳԹ, էջ 194։

ուղիղ հաւասարից բոլորովին հեռացածներին: Ներծուածող համարում էին զանազան հարցերում քայքայէր կարծիք ունեցողներին. իսկ ինքնագլուխ ժողովարան կազմողներն էին ապստամբ հոգեւորականներ եւ ժողովրդականը, որոնք պառակտում էին մի որեւէ եպիսկոպոսի հօտը: Աղանդաւորների կամ հերետիկոսների մկրտութիւնը չի ընդունում, իսկ հերծուածողներինը եթէ կզոջան, ընդունում է, նոյնպէս եւ ձեռնադրութիւնը»⁵²:

Ինչ վերաբերում է Աբրահամի նշած «հոռոմների վրայ մեր վարդապետների դրած բանադրանքին», ապա նման բան ոչ մի տեղ չի երևում: Արքեպիսկոպոս Մելիք-Թանգյանի պարպումները հանգեցրել են այն եզրակացության, որ Դավինի Գ. ժողովը եկեղեցական կանոններ չի սահմանել⁵³: «Դժուար է դրական կերպով պնդել,- գրում է Մելիք-Թանգյանը,- որ այս ժողովը որոշել է դաւանաբանական հարցեր, եթէ դաւանաբանական խնդիրների մասին կանոններ են սահմանել, ինչո՞ր չեն մեր վեր կանոնագրքերը նոյն ժողովի սահմանադրութիւնների մէջ: [...] Մովսէս կաթողիկոսի մեռնելուց յետոյ, երբ ժողով է լինում կաթողիկոս ընտրելու, Սմբատ Վրկան մարզպան «հաւաստյ ձեռնարկ» է խնդրում ժողովից: Ահա այդ ձեռնարկի մէջ ոչ մի խօսք չէ յիշում Ներսէս Բ.-ի մարգրած դաւանաբանական կէտերի մասին»⁵⁴: Ավելացնենք, որ ձեռնարկում նշվում է, իհարկե, ի թիվս հերձվածողների Քաղկեդոնի ժողովը եւ Լեոնի քոմարը⁵⁵, սակայն ձեռնարկը կանոն չէ: Թերևս վարդապետների բանադրանքը պէտք է այդօրինակ պայմանավորվածությունները համարել: Ի դեպ, այս հանգամանքը եւս անուղղակիորեն ապացուցում է, որ Գ. ժողովում Կյուրիոնի հարցը չի քննարկվել:

Օրմանյանը առաջին հայացքից մի քարօրինակ հայտարարություն է անում. «Նայ Եկեղեցին երբեք յաւակնութիւն չէ ունեցած՝ իւր որոշումներուն դաւանական հաւաստիքի ոյժը տալ, եւ ոչ ալ իբր հերետիկոսներ եւ հերծուածողներ դարապարտած է այն եկեղեցիները՝ որ իրեն ընդունած վարդապետութեան չեն համակերպիր: Ամէն վարդապետական կէտեր, որոնք բաժանման գիծ մը կը գծեն Նայ Եկեղեցոյ եւ ուրիշ եկեղեցիներու մէջտեղ, մեր յայտարարութիւնը հաւաստելու միմի փաստեր են, քանի որ երբեք ուրիշ եկեղեցիներու վրայ բռնանալու կամ յաւակնելու կերպեր գործածուած չեն»⁵⁶:

Օրմանյանը պարզապէս ուրիշ միտք է արթնացնում, ակամայից մեր քրամաբանական եզրահանգումն է հաստատում, այն, որ Աբրահամը Կյուրիոնին եւ Վրաց եկեղեցուն չի պարծել: Նա ընդամենը բնորոշումներ է տվել Կյուրիոնին ու Վրաց եկեղեցուն: Իսկ քանի որ գնահատական տալը, ինքնըստինքյան հասկանալի է, չի նշանակում պարիժ սահմանել, առավել եւս՝ պարիժ կիրառել, ապա հարց է առաջանում՝ իսկ ինչո՞վ է արդարացված այն մեծ աղմուկը, որ գոյություն ունի հիշյալ փաստաթղթի շուրջ: Իրականում՝ ոչնչով, որովհետեւ սույն շրջաբերականը, ըստ էության, հավանա-

52 Ն. Մելիք-Թանգյան, նշվ. աշխ., էջ 237: Նույնի գրաբարը քնն «Կանոնագիրը Նայոց», հ. Ա., էջ 334: Նամանման բովանդակություն ունի նաև Կոստանդնուպոլսի Բ. ժողովի վեցերորդ հոդվածը, քնն Ն. Մելիք-Թանգյան, նշվ. աշխ., էջ 170:

53 Տե՛ս Ն. Մելիք-Թանգյան, նշվ. աշխ., էջ 390:

54 Նույն տեղում, էջ 367:

55 Ուխտանէս, էջ 150

56 Մ. Օրմանյան, Նայոց եկեղեցին, Երևան, 1993, էջ 134:

կան վրանգից հոգեւոր հոպը պաշտպանելուն միպված կանխարգելիչ միջոց էր, ինչպես նաեւ՝ լիովին համահունչ էր եկեղեցական կանոնների փառին ու ոգուն: Պարզապես հարկ է հիշել՝ ինչ է գրված խաժիկ նեսպորականների վերաբերյալ Ներսես Բ.-ի նախաձեռնությամբ կազմած թղթում. «Եւ սահմանեցաք ըստ հրամանի սուրբ առաքելոցն, եւ երանելի ուղղափառ վարդապետաց, ամենեւիմբ մի՛ վիճել ընդ նոսա հակառակաբանութեամբ, այդ՝ հեռանալ ի նոցանեն՝ արդարեւ որպէս ի թշնամեաց Բրիպրոսի Աստուծոյ»⁵⁷: Աբրահամը նույն բանն է հրահանգում իր հոպին: Այլ հարց է, թե դա ինչ չափով պիտի կիրառվեր:

Շրջաբերականի հետեւանքների մասին: Ակիկյանը գրում է. «Ինչ գործնական ազդեցութիւն ունեցաւ Աբրահամու Շրջաբերականը հայ ժողովրդեան վրայ. պատճառն է՞ որ եւ իցէ յուզում, աբերութիւն դեպի վրացիները, եւ փրումը հրահանգներու համաձայն ընթացան Նայք այնուհետեւ, թէ ամէն հրահանգ եւ սպառնալիք անարժէք, լոկ թղթի վրայ մնացին: Ի ցաւ, չունինք այս նկատմամբ որ եւ իցէ յիշարակարան կամ ակնարկութիւն ժամանակակից անձէ մը: [...] Չազդուեցաւ նաեւ Կիրիոն. թէպէտ կը պակսի մասնաւոր փնտրութիւն Կիրիոնի բռնած ընթացքի մասին, սակայն ամէն պարագայք այսպէս կարծել կու փան»⁵⁸: Լեւոն գրում է. «Երկար ժամանակ, նույնիսկ մինչեւ 12-րդ դարի սկիզբը, Աբրահամ կաթողիկոսի արգելքներն իրական մեծ արժեք չունէին հայ-վրացական փոխհարաբերությունների մեջ: Եկեղեցական կապարյալ համաձայնության եւ դավանակցության կապերը շարունակեցին գոյություն պահպանել եւ Աբրահամ-Կիրիոնի ժամանակներից հետո»⁵⁹:

Ինչպես փետում ենք, հայ ուսումնասիրողների ենթադրություններում անթաքույց ափսոսանքն է գերիշխում:

Ստիպված ենք որերորդ անգամ ուշադրություն հրավիրել մի պարզագույն հարցի վրա. որեւէ իրավական ուժ չունեցող դիրեկտիվային գրությունն ինչպէ՞ս կարող է կողմերից մեկի համար հաղթանակ, մյուսի համար պարտություն նշանակել: Իհարկե չի կարող: Վերջնականորեն համոզվելու համար հիշենք պարզապես հոդվածի սկզբում մեր կատարած մի կարեւոր ճշգրտում: Այն է՝ եկեղեցիների բաժանումը կամ պառակտումը արձանագրվում է եկեղեցական ժողովներում եւ հաստատվում դրանց ընդունած որոշումներով: Եթե ժողովի վավերացում չի կատարվում, ապա ցանկացած պահի հնարավոր է բաժանումն անջապողականություն համարել: Իսկ Դվինի ժողովականները, ինչպես փետանք, իսկապես թարթվելների վերաբերյալ ոչ մի որոշում չեն ընդունում...

Պատմության մեջ դեպքեր ու փարեթվեր կան, որոնք ամրակայված են, շարժել չի կարելի, կարելի է միայն պարզվել դրանց շուրջը: Այդպիսին է 609 թվականը, այդպիսին է Աբրահամի շրջաբերականը: Այդպես են ասում պատմագիրները, այդպես են ասում պատմաբանները: Գուցե նրա համար են պարզվում, որ դրանից հարցեր քիչ են ծագում ու այսօրվա համար լույսի պես ամեն ինչը հստակ է թվում: Այդ դեպքում ինչո՞ւ են հա-

57 «Ուխտ միաբանութեան Նայք աշխարհիս ի ձեռն Ներսէսի Նայք կաթողիկոսի», ԳԹ, էջ 74:

58 Ն. Ակիկյան, Կիրիոն՝ կաթողիկոս վրաց, Վիեննա, 1910, էջ 256-257:

59 Լեւոն, նշվ. աշխ., էջ 232:

ջորդ իրադարձություններն այդքան աղուր ու անորոշ: Շրջաբերականից հետո ի՞նչ էր անում Նախասրանյայց եկեղեցին: Ինչո՞ւ Վրաց Ուղղափառ Եկեղեցին Ը. դարում ինքնակա (ավտոկեֆալ) կարգավիճակ ստացավ⁶⁰, որը վերջնականապես հաստատվեց ԺԱ. դարում միայն⁶¹: Ի՞նչն է նշանակալի Վրաց Եկեղեցու համար՝ Աբրահամի շրջաբերականը, թե՞ ինքնավարության հասնելը: Ի՞նչ է կատարվել պարմական այս երկու հանգրվանների միջև: Կա՞ն այնպեղ ուշադրության արժանի ելևէջներ: Անշուշտ, կան:

613/5 թվական, Պարսից ժողով: Միակ աղբյուրը Մեթեոսն է⁶², որի հաղորդումը սակայն միանգամայն բավարար է ժողովի մթնոլորտին զգալու համար: Նա վավերագրում է. «Խոսքով Որմիզդին Երուսաղեմի գերությունից հետո դարձյալ հրաման արվեց Արևելքի եւ Ասորեստանի կողմերի եպիսկոպոսներին հավաքվել արքունի դուռը եւ ասաց. «Լսում եմ, թե քրիստոնյաները բաժանվել են երկու մասի, եւ մեկը մյուսին նզովում է, քանի որ [մեկը մյուսին] իրավացի չի համարում: Արդ՝ թող միաբանությամբ ժողովվեն արքունի դուռը, որպեսզի ուղիղը հաստատեն եւ թյուրը ի բաց մերժեն»: Եվ ժողովվեցին այն կողմերի բոլոր եպիսկոպոսները, երեցներն ու ողջ հավաքացյալները. նրանց վրա ոստիկաններ (իմա՝ պարասիանապու, լիագոր.- Ն.Դ.) կարգեց Խոսրով Շում կոչվող Սմբար Բագրատունուն եւ արքունի բժշկապետին: [...] Նայոց աշխարհից այնպեղ էին գտնվում երկու եպիսկոպոս այրեր՝ հավաքարիմ մարդիկ՝ Մամիկոնեից եպիսկոպոս Կոմիտասը եւ Ամատունյաց Մարթնոսը»⁶³: Ուշադրություն դարձնենք հետեւյալ հանգամանքի վրա. վրացիները հրավիրված չէին, քանզի առանձին եկեղեցի չէին ճանաչվում՝ ոչ հին թագավորների գիր ու կնիք ունեին, ոչ էլ անգամ խառնիճադանջ աղանդ էին համարվում:

Այժմ Լեոյի օգնությամբ հետևենք ժողովի ընթացքին. «Երուսաղեմի նվաճումն առիթ դարձավ, որ Խոսրով Պարվեզը նույնպես խառնվի քրիստոնյաների դավանաբանական վեճերի մեջ: Արևելքի մեծ բռնակալները միշտ իրենց փարօրինակություններն են ունեցել: Բայց Խոսրովին այսպեղ կարող էր ղեկավարած լինել եւ պետական անհրաժեշտականությունը: [...] Միանման դավանական ձեռնընդունելու եւ այդպիսով բոլոր քրիստոնյա հպարակներին իրապես միացնելու համար նա 615 կամ 616 թվին Տիգրանի իր պալատում գումարում է ժողով քրիստոնյա եկեղեցիների ներկայացուցիչներից, որոնց մեջ էր եւ Երուսաղեմի գերի Զաքարիա պարրիարքը: [...] Այս կրոնական ժողովին առաջարկված էր քննել, թե քրիստոնեական դավանանքներից որն է ամենատղիվ, որպեսզի այն էլ ընդունվի արքունի հրամանով պարսկական պետության բոլոր քրիստոնյա համայնքների մեջ: [...] Եվ ժողովը [...] հայտարարեց, թե միակ ուղղափառ դավանությունը հայոց դավանությունն է, որ եւ պիտի ընդունվի ամենքի կողմից»⁶⁴:

60 Грузинская Православная Церковь, Вопрос об автокефалии, <http://Georgia.ortodoxy.ru>

61 К. Цинцадзе, Историческая справка по вопросу об автокефальности Грузинской Церкви, Тифлис, 1906, с. 91-93. Նույն հեղինակի՝ Автокефалия Церкви Грузинской: исторический очерк IV-XI в., Тифлис, 1905, с. 30-31.

62 Ժողովը հիշարակող մյուս մարեմնագիրը Ասողիկն է, բայց նա Ժ.-ԺԱ. դդ. հեղինակ է:

63 Մեթեոս, նշվ. աշխ., էջ 231:

64 Լեո, նշվ. աշխ., էջ 242-243:

Պարահականություն չէ, որ ժողովում կրկին գլխավոր գործող անձը Սմբար Բագրատունի իշխանն է: Խոսքովը նրան է նշանակում ժողովի կազմակերպիչ եւ վերակացու: Սմբարն ինքն էլ էր դա կամենում՝ ցանկանալով ավարտին հասցնել Դվինի ժողովում սկիզբ դրած գործը:

Լեոն այդ մասին ակնարկում է. «Եւ անշուշտ Սմբար Վրկան մարզպանն էլ այս ժողովով կարծում էր նորից վերականգնած լինել մասնավորապես Նայոց եկեղեցու գերիշխանությունը Վրաստանում»⁶⁵: Սա պարմական ճշմարտություն է, որը հարկ է վերստին հաստատել պարմագրության մեջ: Դրանից շատ բան կփոխվի: Նախ՝ Նայաստանյան եկեղեցուց Քարթլիի եկեղեցու բաժանման ժամանակը կճշրվի՝ չի կապվի Աբրահամի շրջաբերական նամակի հետ, ապա դրանից արտաբերվող հարցերի մի ամբողջ փունջ կհարակեցվի:

Օրմանյանը գրում է՝ «Պարսից ժողովին նպարակն է Պարսկաստանի քրիստոնեաներուն մէջ քիբող երկպառակութիւնը վերջացնել եւ երկրին խաղաղութեան նպաստել»⁶⁶: Խոսքովը որոշեց դա իրականացնել Նայաստանյայց եկեղեցու գահերեցությունն ամբողջ Արեւելքում հաստատելու միջոցով: Դրանից հետո Նայոց կաթողիկոսը սկսեց մինչեւ անգամ նաեւ անվանվել Անդիոքի պարիքարք⁶⁷:

Ամփոփենք: Այն, ինչը գեղեցկագարդած է, այլևս պարմություն չէ՝ ավանդաբույց է: Ըստ այսմ՝ հիմնադրել են բոլոր այն հիշարակությունները, որոնցում Նայաստանյայց եւ Քարթլիի (Վրաց) եկեղեցիները պառակտվում են, իսկ Այուրիոնը նգովում է, քանզի հալածել էր Մովսես Յուրպավեցուն, Յուրպավի եկեղեցու պաշտոնը դարձրել էր երկյեզվա, Աբրահամ կաթողիկոսին ճաշի ժամանակ վիրավորել էր, չէր ընդունել Դվինի ժողովի հաստատած նվիրապետական ինը դասի համաձայն իրեն պրված մեկրոպոլիտության աստիճանը: Սրանք բոլորը պարմական ճշմարտությունից հեռու գրույցներ են, իսկ իրողությունն այն է միայն, որ նա սկզբունքորեն մերժել էր Նայաստանյայց եկեղեցին Տիեզերական աթոռ հռչակելու ակտը:

Ուսումնասիրություններում եւ անդրադարձներում շրջադարձային է համարվում Դվինի Գ. ժողովը, այնինչ՝ այս ժողովը ոչ մի կապ չունի րեղի ունեցածի հետ, որովհետեւ ոչ միայն օրակարգում նույն հավաքից շեղված Վրաց եկեղեցու կամ նրա հոգևոր պետ Այուրիոն կաթողիկոսի վարքի վերաբերյալ որեւէ հարց չունեն, այլև նույնիսկ օրակարգից դուրս, բայց ժողովականներով, չեն քննարկվել նման հարցեր: Վրաց եկեղեցին պաշտոնապես չի մասնակցել ժողովին, իսկ նրա հովվապետը՝ Այուրիոն կաթողիկոսը չի հրավիրվել: Պարզապես այն է, որ ժողովի կազմակերպիչները, հարկապես Սմբար Բագրատունի իշխանը եւ կաթողիկոսական րեղապահ Վրթանես Քերթոզը, Այուրիոնի դեպքը համարելով կարգապահական, նրա հարցը թողել էին նորընտիր կաթողիկոսի հայեցողությանը:

Այնուամենայնիվ, հայ մարեմագիրները՝ սկսած Նովհաննես Դրասխանակերպ-

⁶⁵ Լեոն, նշվ. աշխ, էջ 243:

⁶⁶ Մ. Օրմանյան, Ազգապատում, հ. Ա., էջ 760:

⁶⁷ Տե՛ս «Քրիստոնյա Նայաստան», էջ 67:

ցուց, գրում են, որ Դվինի ժողովը բնակելու որոշում է կայացրել խնդրո վերաբերյալ: Նույն կարծիքը ամենապարաձվածն է նաև վերջին շրջանի պարմագրության մեջ⁶⁸: Նկարներ, որ ժողովն իսկապես իրավասու էր դարձնել վճիռ կայացնելու, որովհետև Վրաց եկեղեցին «ի հոգեւորս» ենթարկվում էր Նայոց եկեղեցուն: Սա շար կարեւոր պայման է եւ արժանի է հարուկ ուշադրության: Բանն այն է, որ վերջին շրջանում հայ պարմաբանների մեջ նույնպես արմաւորւորվում է գիւրական եւ պարմական հիմքերից գորկ մի տեսակետ, ըստ որի՝ երկու եկեղեցիների հարաբերություններում Նայոց եկեղեցու ավագությունը պայմանավորված էր «Առաջինն ի հաւասարաց» սկզբունքով: Կարծում ենք՝ հարկ է փարբերակել երկու սկզբունքները, բանգի դրանք բոլորովին փարբեր գաղափարներ են խորհրդանշում, այն է՝ ինքնակայություն եւ ինքնավարություն: «Ի հոգեւորս գերագահությունը» թելադրում է մի դրություն, որտեղ գլխավորը, փվյալ դեպքում՝ Նայոց եկեղեցին, կոնկրետ իրավունքներով է օժտված, իսկ «առաջինը հավասարների մեջ» սկզբունքը ենթադրում է մի կարգավիճակ, որի դեպքում գլխավորին, փվյալ դեպքում՝ Նայոց եկեղեցուն, սոսկ պարվանուն է տրվում՝ առանց ինչ-ինչ իրավասությունների: Այս ինքնաշեն դարձվածքը գալիս է Ջավախիշվիլուց, որը հեղինակն է Նայոց եւ Վրաց կաթողիկոսների նվիրապետական աստիճանով իրավահավասար լինելու այժմ արդեն գործածական թեզի: Բայց նման բան անհնար էր թեկուզ այն պարզ պարճառով, որ Վրաց կաթողիկոսին ձեռնադրում էր Նայոց կաթողիկոսը, իսկ Նայոց կաթողիկոսին այդ իրավունքը տրվել էր Անտիոքի պարթիարքը⁶⁹: Է. դարի սկզբին դեռնու գոյություն ունեւր սույն հիւրարիւիան, ասել է թե՛ Դվինի Գ. ժողովը բացարձակ իրավունք ունեւր բնակելու վրացիների հարցերը, սակայն դա տեղի չունեցավ: Ժողովից հետո Արրահամ Ա. կաթողիկոսը շրջաբերական նամակ է գրում «Նայոց ամբողջ աշխարհին»⁷⁰, որով իր հոգեւոր հոտին պարվիրում է հեռու մնալ բարթվել-վրացիներից, ովքեր «ժահահոտ ուսմունքը (քաղկեդոնականությունը.- Ն.Դ.) մեծարանքով ընդունեցին»⁷¹:

Պարմական փաստարթոյթ դառնալու ճակարագիր էր վիճակված այս գրոյթանը: Նրանով է նշանավորվում եկեղեցական մեկ կառույցի կազմում գրնվող քրիստոնեական երկու համայնքների տահմանագարտունը միմյանցից: Այդպես է ասում Ուիտրանեսը Ժ. դարում՝ «Արրահամը... ամեն ինչի համար [Սուրբ] Նոգու սրով կտրեց-բաժանեց»⁷²: Բաժանման փարեթիվն ամրագրվում է շրջաբերականով, ինչպես գրում է Մխիթար Գոշը՝ «Տէր Արրահամ, առ որով Վիրք ի բաց կացին ի միարանութնէ Նայոց»⁷³,

68 Տե՛ս **А. Аннинский**, История Армянской церкви (до XIX века), Кишинев, 1900, с. 98; Очерки истории Грузии (в 8-и т.), т. 2: Грузия в IV-X веках, гл. IX, • 4, Тбилиси, 1988. Автор главы Т. Папуашвили:

69 Տե՛ս **Ն. Ալիսնան**, նշվ. աշխ., էջ 11:

70 **Ուիտրանես**, նշվ. աշխ., էջ 204:

71 Անդ., էջ 209:

72 Անդ., էջ 205:

73 **Մխիթար Գոշ**, Թուղթ առ Վրացիսն՝ յաղագս ուղղափառութեան հաւարոյ, «Գանձասար», Զ., 1996, էջ 350:

ինչպես գրում է Ն. Ադունցը՝ «Վրաց պաշտոնական խզումը կարարվեց 609 թվին»⁷⁴ և այլը: Ումանց անձը հիշարարվում է հենց այս շրջաբերականի կապակցությամբ: Կեկելիձեն հայարարարում է, թե՝ «Կյուրիոնը... համառ պայքար մղեց... վերջնականապես խզեց կապերը հայերի հետ և վրաց եկեղեցին դուրս բերեց... ազգային զարգացման ուղի»⁷⁵: Կարծում ենք, որ շրջաբերականը այդ ամենի հետ կապ չունի, և շրջաբերականով այդ ամենը անհնար է բացատրել:

Փավստոսը մի նախադեպ է պարմում. «Կեսարիայի եպիսկոպոսապետը լսեց, թե մեծ Ներսես հայրապետին սպանեցին և նրա փոխանակ նշանակեցին Նուսիկին, առանց իր հրամանի՝ հակառակ նախկին սովորության, որ Կեսարիայի հայրապետի մոտ էին քանում ձեռնադրության համար: Այս բանի պարճառով Կեսարիայի հայրապետը շատ գայրացավ: **Կեսարիայի նահանգի եպիսկոպոսների սյունհողոսական ժողով գումարվեց** (ընդգծ. մերն է.՝ Ն.Դ.), որ ցասմալից թուղթ գրեց (Նուսիկ) հայրապետին: Նույնպես թուղթ գրեցին Պապ թագավորին և (Նայոց) կաթողիկոսների իշխանությունը լուծեցին...»⁷⁶: Այս առումով ինչպես Դ. դարում, այնպես էլ Է. դարում ոչինչ չէր փոխվել. եկեղեցիների բաժանումը կարող էր կարարվել միմյան կողմից վճռով, այն է՝ եկեղեցական ժողովի որոշմամբ: Կաթողիկոսական Թուղթը քվյալ դեպքում թուղթ է առանց իրավական ուժի, և չի կարող իր վրա վերցնել այն գործառնությունը, ինչը հարկացվում է նրան, այսինքն՝ եկեղեցիների բաժանիչի դերը: Նովիանես Դրասխանակերպցին և Սյուրիանոս Օրբելյանը հակասությունը վերացնելու համար Շրջաբերական գրելու որոշումը առանձնաշնորհում են Դվինի Գ. ժողովին: Նրանք եկեղեցական իրավունքի խոշոր գիտակ էին և քաջարեղյակ, որ Նայոց եկեղեցուց Վրաց եկեղեցու անջարումը Աբրահամի շրջաբերականին վերագրելով՝ խախտվում է Կոստանդնուպոլսի Տիեզերական ժողովի հետևյալ կանոնը՝ «խրաբանչիւր աշխարհի գործերը կկարգադրուին նոյն աշխարհի եպիսկոպոսների ժողովով, ինչպես որոշուած է Նիկիայում»: Նայոց եկեղեցին իրեն նման բան թույլ տալ չէր կարող, որովհետև կշեղվեր իր ճանաչած Տիեզերական ժողովի ընդունած դրույթից:

Այսպիսով, առանց երկրայության կարող ենք պնդել, որ Աբրահամ կաթողիկոսը մի շրջաբերական նամակով չէր կարող իրեն վարահված եկեղեցին մասնարել: Ավելին, Շրջաբերականը ոչ միայն նման բնույթ ու բովանդակություն չունեւ, այլև նրա նպարակն այլ էր: Շրջաբերականով Աբրահամը ոչ թե Վրաց եկեղեցին անջարում ու հեռացնում էր Նայոց եկեղեցուց, այլ՝ սխալ ուղի բռնելու համար նրան պարժում էր ժամանակավորապես մեկուսացնելու միջոցով, բաց պահելով ճշմարիտ ուղի վերադառնալու ճանապարհը: Շրջաբերականի քողերից են. «Նախկինում հոռոմների վրայ մեր վարդապետների դրած բանադրանքը, որը կը մնայ մինչև վերջ, եթէ չդառնան ճշմարիտ [հաւարին], մենք նոյնը վրացիների վրայ հրամայեցինք դնել... Իսկ մենք չենք լուի իրարելուց, քանի դեռ կենդանի ենք, և մեզնից յետոյ [եկողներին էլ] աղա-

74 Ն. Ադունց, Քննություն Մովսես Կողանկարվացու, Երկեր, հ. Բ., Երևան, 2006, էջ 443:

75 К. Кекелидзе, Ист. зап.

76 Փավստոս Բուզանդ, Նայոց պարմություն, Երևան, 1987, էջ 345-347:

չում ենք նախանձաւոր լինել մեզ՝ նրանց ուղղութեան բերելու համար (ընդգծ. մերն են.-Ն.Դ.)»⁷⁷:

Շրջաբերականը ժողովի որոշում չէ: Ժողովն անցավ, որոշում չկայացվեց: Պարճառն այն էր, որ մինչև ժողովի ավարտը հույս կար, թե Կյուրիոնի հետ ընդհանուր լեզու կգտնվի, իսկ ժողովից հետո շրջաբերական գրվեց, որովհետև Կյուրիոնը կտրականապես մերժեց ընդունել ժողովի որոշումները, հետևաբար համարժեք քայլով նրան պարասխանելը պարտադիր էր: Ըստ էության, շրջաբերականը միջանկյալ մի փաստաթուղթ էր, որը մի կողմից նախագգուշացնում էր ըմբոստանալու հետևանքների մասին, մյուս կողմից՝ հարցը նախապարաստող գրավոր վկայություն էր՝ համապարասխան ապրանքում քննելու համար: Շրջապետ կարիք չկար. նման հարցերը երբեմն փասնյակ փարիներով էին սպասում իրենց լուծմանը: Այս դեպքում, երբ վրացիները համառոցին՝ ապրանքն ամենեւին չուշացավ: Խոսքը Պարսից ժողովի մասին է: Բավարար հիմքեր կան, որպեսզի արձանագրվի, որ այս ժողովի որոշմամբ Վիրքի (-Քարթլիի) եկեղեցին կրկին անցավ Նայոց եկեղեցու ենթակայության տակ, եւ այդպես մնաց առավազն մինչև 627 թվականը, երբ Ներակլ կայսրը գլխովին ջախջախեց Խոսովի գործը եւ, փաստորեն, Պարսից տերության կործանման սկիզբը դրեց:

Եզրափակելով՝ նշենք վերջապես, որ վստահաբար 600-ական թվականներին չէ, որ «Վրաց եկեղեցին բաժանվել է Նայ եկեղեցուց»⁷⁸, որովհետև նման պնդումի համար, ինչպես փեսանք, որ ապացույցներ չկան: Ներաբար, անհրաժեշտ է մեր պարմության այս դրվագը ամբողջությամբ վերանայել, Դվինի Գ. ժողովը եւ Արքահամ կաթողիկոսի շրջաբերականը չկապել Նայքի եւ Վիրքի եկեղեցիների բաժանման հետ, 609 թվականը համարել հիշյալ շրջաբերականի հրապարակման, ոչ թե քարթվելներին (վրացիներին) հայերից հեռացնելու փարթիվ: Այդպես է հավաստիացվել, որովհետև, որքան էլ փարթիկնակ է, դա հարմար է եղել եւ՝ վրացիներին, եւ՝ հայերին: Վրացիներին, որովհետև դա հաղթանակ էր նրանց համար⁷⁹ եւ սեփական պարմությունը հնացնելու եւս մեկ հնարավորություն, եւ հայերին, որովհետև Պարսից ժողովը, այնուամենայնիվ, իրենց հրավիրած ժողովը չէր, նրա պտուղներն էլ հնարավոր չեղավ երկար վայելել, հետեւապես գերադասվեց բաժանում համարել հենց խոտվության սկիզբը:

Ահա սա է պարճառը, որ շարքի եւս ու նոր ուսումնասիրողների համար անհստակ է, թե ով ումից է հեռացել՝ հայերը վրացիներին, թե՛ վրացիները հայերից, կամ գուցե ինչ-որ մի պահից երկու կողմերն էլ պարզապես համակերպվել են առանձին-առանձին ապրելու մարքին: Այդ դեպքում, ինչո՞ւ հայերը դեռ երկար չէին կարողանում հաշտվել վրացիների հեռանալու փաստի հետ, իսկ վրացիները, հեռանալով, թշնամացան հայերի հետ: Սրանք առկախ մնացած հարցեր են, որոնց համար եթե շարունակենք ընդունել հարմարեցված պարմությունը, ապա ոչ միայն նորից անհասկանալի ու անո-

⁷⁷ Ռիպոսեւ, նշվ. աշխ., էջ 209-210:

⁷⁸ «Քրիստոնյա Նայաստան», էջ 543:

⁷⁹ Ի. Ճավճավաճեն Շրջաբերականը նույնիսկ առիթ է դարձնում հայերին ֆանատիզմի մեջ մեղադրելու համար, փնն. **И. Чавчавадзе**, Армянские ученые и вопиющие камни, Тифлис, 1902, էջ 9:

րոշ կթողնենք հարցականները, այլև չենք պարզի հաջորդ դարերի հայ-վրացական հարաբերությունների պարամությունը, գումարած՝ 1103 թ. Ռուխ-Ուրբելիսի Վրաց եկեղեցու հիմնադիր ժողովում հայերի վերաբերյալ առանձին կանոն բանաձևելու պարամաները: Մինչ այդ, ուրեմն, Վրաց եկեղեցի ասելն անախրոնիզմ է, որովհետև Վրաց, նշանակում է վրացիների, այսինքն՝ Վրաստանի եկեղեցի, մինչդեռ է. դարում Վրաստան եւ վրացիներ այսօրվա հասկացողությամբ գոյություն չունեին: Կար Քարթլի, որ է Վիրք, եւ կար Քարթլիի եկեղեցի⁸⁰, որ է վիրացիների, այսինքն՝ քարթվելների եկեղեցի: Այն ժամանակվա Վրաց եկեղեցի պարբ է համարել միայն Վիրքի, իմա՝ Քարթլիի եկեղեցին, որի հոգևոր փիրույթն ընդգրկում էր Մցխեթն ու նրա շրջակա քարածքները, եւ որն ամենասերտ կապերն ուներ Նայոց եկեղեցու հետ: Ննց Քարթլիի այս փոքրիկ եկեղեցին էր Մեծ Նայքի եկեղեցու համար հարցեր առաջացրել: Իսկ Վրաստանը, ըստ այդմ եւ Վրաց եկեղեցին, դեռ նոր պիրի կազմավորվեր ու ներառներ նաեւ Քարթլին ու Քարթլիի եկեղեցին:

80 Վրացի եւ այլազգի հեղափոխողների համար գործածական է Քարթլիի եկեղեցի եզրը, որ նշանակում է նախավրացական եկեղեցի, իսկ հայ պարամբանների համար գործածական չէ. դրանով նրանք երբեմն պարամադիրական խառնաշփոթ են սրելծում: